



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

Fargna, Francesco de

Romæ, MDCCXVIII

Casus III [i. e. IV]. Argumentum. Ad validitatem donationis Jurispatronatus favore Laici requiritur consensus Episcopi, & non sufficit consensus Vicarii Capitularis, Sede Vacante, aut Vicarii ...

[urn:nbn:de:hbz:466:1-72203](https://nbn-resolving.org/urn:nbn:de:hbz:466:1-72203)

pauper ali deberet à donatario, & sic cum haberet aliunde vivere non posset peti ab Ecclesia Patronali alimenta, secus in casu præsentis, quo ultimus de familia donavit solum juspatronatus, & in quo talis donatio non fuit causa suæ paupertatis, ut advertunt *Abb. in cap. Propter de donat. num. 3. Crott. cons. 76. num. 21.*

17 Quis autem esset præferendus in perceptione alimentorum si tam donans, quam Donatarius juspatronatus esset Pauper? Videtur dicendum in hoc casu esse præferendum donatarium, ut sentire videtur *Lambertin. de jurepat. lib. 3. qu. 3. art. 13. num. 2. ibi -- Concluserem in præsentis articulo, quòd si Patronus transtulit juspatronatus in alium, adeò quòd Ecclesia non efficiatur libera, quòd in illum sint translata omnia ista jura, & illum fore alimentandum si deveniret ad inopiam, & non transferentem juspatronatus, quia nimium gravaretur Ecclesia --*

18 At contrarium verius de jure procedere sentio; Etenim vel Ecclesia Patronalis habet redditus superfluos sufficientes pro alimentis utriusque, nimirum donantis, & donatarii juspatronatus, & debet utrique præstare alimenta, ultimo quidem de familia donanti pauperi ex debito, & obligatione ex Canone, alteri verò extraneo donatario, ex misericordia, & quadam æquitate, adeo ut Rector Ecclesiæ beneficeret præferre illum cæteris pauperibus: vel habet redditus superfluos sufficientes solum pro alimentis unius personæ, & tunc debet præstare alimenta ultimo de familia donanti juspatronatus, & hunc extraneo donatario præferre propter supradictas rationes, videlicet quia in hujusmodi donatione juspatronatus comprehensa non sunt alimenta, nec poterant comprehendi, & ultimus de familia donans juspatronatus non habebat aliunde vivere, aliter præfata donatio esset nulla, cum nequeant futura alimenta cedi, & renunciari, aliàs esset indirectè se ipsum necare, & fame perire *Donad. de renunciat. cap. 4. num. 57. & seqq. tom. 1. Covarr. de Matrim. par. 2. cap. 8. §. 6. num. 4. R. P. D. Petra ad Constit. Apostolic. unic. Honorii II. sect. 2. tom. 1. pag. 597. num. 58. §. Ita etiam & in Comment. ad Constit. Gregorii IX. num. 13. tom. 2. pag. 541. Lambertinus autem in contrarium adductus procedit in*

casu, quo transferens juspatronatus haberet aliunde vivere.

ARGUMENTUM.

Ad validitatem donationis Jurispatronatus favore Laici requiritur consensus Episcopi, & non sufficit consensus Vicarii Capitularis sede vacante, aut Vicarii Generalis, absque speciali mandato; secus in donatione Jurispatronatus facta Compatrono, aut Ecclesiæ. Et an hujusmodi consensus Ordinarii intervenire possit ex post facto, & retrotrahi ad diem donationis?

SUMMARIUM.

- 1 Patronus per donationem à se abdicat juspatronatus, illudque transfert in Donatarium.
- 2 Vicarius Capitularis an confirmare possit donationes jurispatronatus? & n. 15.
- 3 Consensus Episcopi non requiritur, ut interveniat in ipso actu donationis, sufficit si ex post interponatur.
- 4 Enumerantur modi, quibus fieri potest donatio jurispatronatus à Patrono.
- 5 Consensus Episcopi non requiritur in donatione jurispatronatus cum universitate bonorum, aut favore Ecclesiæ, aut favore Compatroni facta, & num. 6. & 7.
- 8 Non requiritur consensus Ordinarii in translatione jurispatronatus facta per Universitatem Patronam non directè, sed consecutivè.
- 9 In donatione jurispatronatus facta à patre favore filii, an requiratur consensus Ordinarii.
- 10 Requiritur consensus Episcopi in donatione jurispatronatus de per se directè facta Laico omnino extraneo.
- 11 Qui consensus præstari potest per Episcopum extra proprium territorium, & non requiritur, quòd sit expressus, sufficit tacitus; & ex quibus præsumatur? Vide ibi.
- 12 Tacitus consensus Ordinarii, an excludatur per expressum subsequenter reportatum à Donatario?
- 13 Donatio jurispatronatus facta Laico omnino extraneo absque consensu Ordinarii est nulla.
- 14 Patronus ante confirmationem Ordinarii potest

potest iterum alteri donare. juspatronatus, aut presentare, imo & donationem revocare. Intellige ut ibi. Et ejus presentatio est admittenda, & preferenda presentationi facta à Donatario.

- 16 Vicarius Generalis non potest confirmare donationes juspatronatus, etiam absente Episcopo, absque hujus speciali mandato.
- 17 Hujusmodi speciale mandatum in Vicario Generali, ex quibus presumatur?
- 18 Consensus, seu confirmatio Episcopi obtenta à Donatario juspatronatus post presentationem factam à Patrono Donante, ei non suffragatur pro ea vacatione, sed solum pro futuris vacationibus.
- 19 Episcopus in prejudicium presentati à Patrono Donante, cui medio tempore fuit jus questum, non potest confirmare donationem juspatronatus.
- 20 Consensus, seu confirmatio Episcopi an, & quando retrahitur possit ad diem donationis.
- 21 Juspatronatus, seu jus nominandi ad Cappellanas merè laicales, aut ad alia legata pia transferri, & donari potest absque consensu Ordinarii.
- 22 In translatione, seu donatione juspatronatus Ecclesiastici non sufficit consensus Ordinarii, sed requiritur beneplacitum Apostolicum.

CASUS IV.

Sede Episcopali vacante donavit Patronus Ecclesiæ A. juspatronatus, quod in ea jure hæreditario possidebat, Titio Laico, & omnino extraneo, cum approbatione Vicarii Capitularis. Deinde provisa sede Episcopali de novo Episcopo, & succedente hoc interim vacatione ejusdem Ecclesiæ Patronalis, Patronus donans presentavit ad illam quemdam Sacerdotem; è contra Titius donatarius presentavit aliam personam idoneam, ac postmodum obtinuit confirmationem, & approbationem hujus donationis à novo Episcopo. Quæritur quænam presentatio in hoc casu sit præferenda?

Prima facie concludendum videtur esse præferendam presentationem factam à Donatario, ejusque presentatum esse ab Episcopo in dicta Ecclesia instituendum, ad exclusionem presentati à Patrono donante.

1 Patronus namque per supradictam donationem à se abdicavit juspatronatus, illudque transtulit in Donatarium; unde non potest amplius presentare, & contra donationem à se factam venire, sed presentatio totaliter spectabit ad Donatarium, ac proinde ab hoc presentatus venit instituendus. *Rot. decis. 803. num. 12. coram Emerix jun. & in Derthonen. Beneficii S. Catharinae 20. Aprilis 1708. §. Nec movit coram R.P.D. Polignac.*

2 Neque adversus hujusmodi donationem opponi valet defectus consensus, & confirmationis Episcopi. Tum quia statim ac sequuta fuit donatio, confirmata fuit à Vicario Capitulari, qui cum sede vacante succedat in jurisdictionibus Episcopi, ad *Text. in cap. is, qui de ma. & obed. & cap. cum olim eod. tit. in 6. & cap. 1. nò sede vacante in 6. Fagnan. in cap. his, quæ de maior. & obed. num. 49. Card. de Luc. de Regul. disc. 64. nu. 18. & in annot. ad Concil. disc. 31. num. 1.* videtur posse validè consentire, & confirmare donationes juspatronatus, juxta sensum *Calderini conf. 3. de jurepatr. num. 1.*, quem sequi videtur *Roch. de Curt. de jurepatr. verb. pro eo num. 24.* Tum quia accessit etiam consensus, & confirmatio Episcopi ex post, dum Titius Donatarius juspatronatus post expletam presentationem Rectoris ad Ecclesiam A. Patronalem vacantem, obtinuit à novo Episcopo consensum, & confirmationem donationis, quod sufficit ad hoc, ut hæc donatio dicatur valida, & apta abdicandi juspatronatus à Donante, & illud transferendi in

3 Donatarium, ea ratione, quia cum consensus Episcopi in donatione Juspatronatus non requiratur per modum auctoritatis, nec per modum solemnitatis, sed per modum simplicis consensus, eo quia Episcopus debet inquirere, an donatio expediat Ecclesiæ, vel non, & an adsit fraus, vel ficta venditio, non est necesse, ut interveniat in ipso actu donationis, sed sufficit si ex post interponatur, dum retrahitur ad diem donationis. *Lambertin. de jurepatr. lib. 1. par. 2. q. 1. art. 16. Capon. discept. 12. num. 29. to. 1. & discept. 193. num. 8. tom. 3. Palm. alleg. 77. num. 5. tom. 1. Rot. decis. 101. num. 7. par. 7. rec. & decis. 255. num. 5. coram Cerro, & in Recanaten. beneficii 9. Maji 1701. §. Cessat co-*
ram

ram R.P.D. Lancetta. Quia retrotrahitur ad diem donationis. *Antunez de donat. Reg. lib. 3. cap. 28. num. 43. Rub. annot. ad decis. 46. num. 68. par. 9. rec. & decis. 177. num. 7. coram Peutingen. & decis. 455. n. 6. & 12. coram Cerro, Adden. ad decis. 702. num. 10. coram Buratt. & in Meleovitana, jurispatronatus 13. Maji 1707. §. Parumque coram R.P.D. Kaunitz.*

Verum his non obstantibus censeo præsentationem factam à Donante esse præferendam, & ab eo præsentatum esse instituendum in hac vacatione Ecclesiæ Patronalis.

4 Pro cujus veritatis assequutione præmitto multipliciter fieri posse donationem Jurispatronatus à Patrono. Patronus namque donare potest Juspatronatus cum universitate bonorum, & potest illud donare de per se; de per se autem potest illud donare Compatrono, Ecclesiæ, aut Laico; & quidem potest donare Laico non directè, sed consecutivè, vel Laico proximè successuro jurispatronatus, vel Laico simpliciter.

5 Si Patronus donet juspatronatus non de per se, sed cum universitate bonorum, cuicumque illud donet, pro validitate hujus donationis non requiritur consensus, confirmatio, aut approbatio Ordinarii. *Roch. de Curt. de jurepatr. verb. pro eo num. 4. Fagnan. in cap. ex literis de jurepatr. num. 45. Card. de Luc. de jurepatr. disc. 19. num. 14. & disc. 56. num. 6. Vivian. eodem tract. lib. 4. cap. 1. num. 15. Olea de cession. jur. tit. 3. q. 8. num. 26. Capon. discept. 193. num. 9. & 53. tom. 3. Rot. in Lunen. Sarzannen. Beneficiorum post Bertachin. vot. decis. 47. num. 5.*

6 Sicuti non requiritur idem consensus, & confirmatio Ordinarii si donet juspatronatus de per se Ecclesiæ, aut personæ Ecclesiasticæ intuitu dignitatis, vel officii Ecclesiastici. *Fagnan. in cap. querelam de elect. num. 23. & in cap. cum propter de jurepatr. nu. 16. Card. de Luc. de jurepatr. disc. 56. num. 13. Gratian. discept. 107. num. 2. Tondut. quest. benef. cap. 54. num. 13. tom. 1. Duran. decis. 463. num. 3., & dixi superius in Comment. conclus. 2. Aut*

7 si donet illud de per se Compatrono. *Cardin. de Luc. de jurepatr. d. disc. 56. num. 13. Gratian. discept. 577. num. 37. Capon. discept. 12. num. 32. tom. 1. Rot. decis. 101. n. 5. par. 7. Add. ad dec. 420. n. 7. cor. Ludovis,*

8 Neque requiritur idem consensus si Universitas Patrona transferat Juspatronatus, seu jus præsentandi de per se in Laicum non directè, sed consecutivè illum nimirum aggregando in Collegium. *Lambertin. de jurepatr. par. 1. q. 3. art. 17. num. 11. quem refert, & sequitur Rot. in Syracusana Præpositura 5. Decemb. 1696. §. Absque eo quod, coram bon. mem. Muto.*

9 Si verò pater Patronus donet Juspatronatus de per se proprio filio intuitu illius personæ, non verò dignitatis, aut officii Ecclesiastici, quod ipse filius gerat; pro validitate hujus donationis requiri consensum Ordinarii sentit. *Rot. decis. 231. par. 2. num. 3. apud Caputaquen. cum quæperranfeunt Gratian. discept. 577. nu. 38. Rot. decis. 238. num. 8. par. 10. rec. ea ratione, quia filius vivente patre nullum jus habet in Jurepatronatus hæreditario, neque est Compatronus, sed se habet ad instar extranei. Contrariam tamen sententiam sequitur Card. de Luc. de jurepatr. disc. 56. num. 14. quam censeo veriolem, quia licet filius respectu Jurispatronatus hæreditarii non sit hæres necessarius, cum pater in testamento possit illud omnino extraneo relinquere, tamen dicitur proximè successurus, adeo ut donatio ipsa se habeat ad instar præventivæ successionis, in qua non requiritur consensus Ordinarii; & quia in hac donatione cessat illa ratio, ob quam requiritur consensus Ordinarii, videlicet suspicio simoniæ, vel fraudis.*

10 Requiritur tamen indispensabiliter ad validitatem donationis consensus, & confirmatio Ordinarii, in cujus Diocesi sita est Ecclesia, aut Beneficium Patronale, si Patronus donet Juspatronatus sive erectum, sive erigendum de per se directè Laico omnino extraneo, juxta supradictos Canones, & auctoritates in Commentario deductas, quibus addo *Vivian. de jurepatr. lib. 4. cap. 1. nu. 17. & 34. Rodulphin. alleg. 31. num. 1. Capon. discept. 12. num. 26. tom. 1. Palma alleg. 77. num. 4. tom. 1. Olea de cession. jur. tit. 2. q. 5. nu. 3. Tondut. quest. benef. cap. 54. num. 3. tom. 1. Mant. decis. 86. num. 5. Duran. dec. 463. num. 1. & 4. Rot. decis. 337. num. 4. par. 2. rec. Adden. ad decis. 46. num. 57. par. 9. rec. & decis. 555. num. 1. par. 3. & decis. 420. num. 1. & 7. coram Ludovis. & decis. 177. num. 5.*

num. 5. coram Peuting. & in Meleuitana jurispatronatus 13. Maji 1707. §. Nec obstat coram R.P.D. Kaunitz, & resolutum fuit à Sacra Congregatione Concilii in Dubio jurispatronatus 13. Aprilis 1680. Lib. Decr. 31. pag. 96.

11 Qui consensus necessarius ad validitatem hujusmodi donationis potest præstari per Episcopum extra proprium territorium, cum confirmare donationem jurispatronatus sit actus voluntariæ jurisdictionis. Carol. Anton. de Luc. ad Ventrigh. annot. 26. §. unic. num. 7. & non requiritur, quod sit expressus, sufficit enim tacitus, qui præsumitur primò, si donatio fiat præsentate Episcopo, & isto non contradicente. Capon. discept. 12. num. 31. tom. 1. Secundò, ex præsentationibus factis à Donatario, & ab Ordinario admittis, Lambertin. de jurepat. par. 2. lib. 1. q. 1. art. 7. num. 5. Gratian. discept. 303. num. 24. in fin. Rot. decis. 555. nu. 3. par. 3. rec. & decis. 177. num. 6. coram Peuting. & decis. 803. num. 13. & seq. coram Emerix jun. Adden. ad Gregor. decis. 420. sub nu. 7. versic. Item sufficit, Ro. in Maioricens. Beneficii 28. Novembris 1704. §. Non obstat coram bo. me. Muto, & sentiit Sacra Congregatio Concilii in Nullius, seu Firmana 5. Febr. 1650. Lib. Decr. 19. pag. 25. Tertiò, ex solo lapsu 40. annorum cum observantia. Lambertin. ubi supra art. 8. num. 1. Vivian. eod. tract. lib. 4. cap. 4. num. 74. Adden. ad Gregor. d. decis. 420. num. 7. versic. verum, Rot. decis. 803. num. 13. coram Emer. jun. & in Compostellana Parochialium 13. Martii 1716. §. Insuffiscentiam coram

12 R. P. D. Ansaldo. Nec tacitus iste consensus Ordinarii excluderetur per expressum consensum donationis subsequenter reportatum à Donatario, quia diceretur reportatus, & procuratus ex abundantia, & ad majorem cautelam, & propterea non præjudicaret. Gratian. discept. 141. num. 13. Rot. decis. 830. nu. 24. coram Dunozett. & decis. 905. coram Cerro, & alii apud Rot. in dicta Majoricens. Beneficii 28. Novembris 1704. §. final. coram Muto.

13 Hoc præmissò jam clarè apparet ratio, & veritas præfatæ conclusionis, quia nimirum cum donatio jurispatronatus fuerit facta à Patrono non intuitu Ecclesiæ, nec favore Compatroni; Sed de per se,

& directè Laico omnino extraneo, absque consensu Ordinarii, ipsa dicitur nulla, nullumque jus per eam abdicatum fuit à donante, & acquisitum Donatario. Ac 14 proinde poterat Patronus, aut etiam ejus hæres post illius mortem, non obstante donatione validè præsentare, imò juspatronatus iterum alteri donare Rot. decis. 18. lib. 2. coram Puteo, & decis. 337. num. 2. par. 2. & decis. 258. num. 5. par. 9. recent. Adden. ad decis. 46. num. 62. & 64. par. 9. recent. & ad Gregor. decis. 420. n. 7. & fuit resolutum à Sacra Congregatione Concilii in Melphiten. 4. Maji 1647. lib. decr. 16. p. 519. Et primam donationem revocare nisi munita fuerit juramento de eam non revocando; Etenim si Patronus donaverit juspatronatus cum juramento non revocandi donationem, nec ei unquam contraveniendi, donatio ratione talis juramenti ex parte Patroni Donantis erit irrevocabilis etiam ante confirmationem Ordinarii, Rot. decis. 549. num. 4. & decis. 593. num. 3. coram Emerix jun., & decis. 80. num. 5. & seqq. par. 17. rec. & in Lunen. Sarzanen. Beneficiorum apud Bertachin. vot. decis. 47. num. 24. Nec donanti esset concedenda absolutio à tali juramento ad effectum agendi contra propriam donationem, cum illud sit ex omni parte licitum Abb. in cap. cum contingat de jure juran. num. 21. Adeout præsentatio, facta à Patrono donante, est admittenda, & præferenda præsentationi donatarii nullum præsentandi jus habentis in hac vacatione beneficii, seu Ecclesiæ patronalis, juxta Calderin. conf. 6. de jurepat. num. 1. Lambertin. de jurepat. lib. 1. par. 2. quæst. 1. art. 17. num. 10. Card. de Luc. de jurepat. disc. 56. num. 10. Carol. Anton. de Luc. ad Gratian. discept. 303. num. 9. Rodolphin. alleg. 32. num. 7. Mantiv. dec. 86. num. 7. Rot. decis. 277. num. 12. coram Bich. Adden. ad decis. 420. num. 7. coram Ludowis. & decis. 337. num. 7. par. 2. rec. & decis. 652. num. 14. & 17. coram Coccin., & decis. 620. num. 1. coram Emerix jun., & in Meleuitana jurispatronatus 13. Maji 1707. §. Nec obstat coram R.P.D. Kaunitz.

15 Non obstat, quòd hujusmodi donatio fuerit confirmata à Vicario Capitulari; Quoniam Vicarius Capitularis, seu Capitulum sede vacante facultatem non habet confirmandi donationes jurispatronatus

- natus *Barbos. de offic. & potest. Episcopi par. 3. alleg. 71. num. 24. Vivian. de jurepat. lib. 4. cap. 1. num. 26. Pellegr. in prax. Vicar. par. 1. sect. 4. subsect. 3. nu. 22. Clarlin. controv. for. lib. 1. cap. 107. num. 84.* cum ipsum sede vacante non succedat in jurisdictione Episcopi voluntaria, uti est actus confirmandi has donationes, sed in necessaria tantum *Gloss. in Clement. 1. verb. Capituli de heretic. Fagnan. in cap. Illa ne sede vacante num. 13.*
16. Immo nec ipsemet Vicarius Generalis Episcopi etiam absente Episcopo potest valide confirmare, & auctorizare similes donationes, nec explicitè, nec implicitè, instituendo scilicet presentatum à Donatario, nisi habeat ab Episcopo speciale mandatum, quia absentia Episcopi non dilatat facultatem Vicarii nisi in casibus à jure expressis *Text. in cap. Nullus de tempor. ordin. in 6. Gratian. discept. 303. n. 10. & seqq. Barbos. de offic. & potest. Episcopi par. 3. alleg. 71. num. 25. Vivian. de jurepat. lib. 4. cap. 1. num. 25. Palma alleg. 77. num. 4. tom. 1. Rot. decis. 576. num. 1. par. 1. recent. & decis. 257. num. 1. & 337. nu. 5. par. 2. recent. & decis. 555. num. 1. & 3. par. 3. rec. Adden. ad decis. 46. num. 73. & 76. par. 9. recent. & decis. 277. num. 3. coram Bich. & decis. 420. num. 2. & 8. coram*
17. *Ludovif. :* Quod speciale mandatum, seu facultas specialiter delegata ab Episcopo omnino necessaria pro auctorizandis donationibus jurispatronatus præsumitur in Vicariis Generalibus ex consuetudine, & observantia, seu ex pluribus confirmationibus donationum jurispatronatus per Vicarios factis per spatium multi temporis *Mantic. decis. 86. num. 10. Rot. dec. 598. num. 12. par. 1. divers. & decis. 536. sub num. 3. par. 1. rec. Adden. ad Gregor. decis. 420. num. 8. & in Majoricen. beneficii 28. Novembris 1704. S. Minimè coram Muto.*
18. Minusque attendi valet pro validitate ejusdem donationis consensus, & confirmatio novi Episcopi illius Diocesis, in qua situm est Beneficium Patronale, siquidem cum hæc confirmatio fuerit successivè obtenta à Donatario, tempore non habili, nimirum post præsentationem factam à Patrono Donante; Et sic postquam fuerit medio tempore jus quæsitum Præsentato à Patrono suffragari non potest Donatario pro ea vacatione, sed solum pro futuris vacationibus; *Rot. decis. 177. num. 3. coram Peutingen. & decis. 140. num. 4. post Vivian., & in Lunen. Sarzanen. Beneficiorum post Bertachin. vot. decis. 47. num. 25., & in Recanaten. Beneficii 9. Maji 1701. S. Quin relevet coram R. P. D. Lancetta.* Imò Episcopus in præjudicium presentati à Patrono, cui medio tempore erat jus quæsitum non poterat consentire, & confirmare dictam donationem jurispatronatus. *Rot. dec. 463. num. 7. coram Duran. & decis. 255. num. 7. coram Cerro;* Et ejus consensus, & confirmatio subsequuta, re amplius non integra; post videlicet præsentationem exarata à Patrono donante retrahi nequit ad diem donationis in præjudicium presentati, cui ante confirmationem fuit jus quæsitum, *Rodulphin. alleg. 32. num. 7. Rot. dec. 277. n. 14. coram Bich.*
20. Quoniam retrotrahio consensus, seu confirmationis Ordinarii omnino requisitæ ad validitatem donationis jurispatronatus favore Laici locum dumtaxat habet re integra, seu quando medio tempore non est alteri jus quæsitum; Aut etiam quando Donatarius petierit ab Episcopo confirmationem donationis, & Episcopus neglexisset illam præstare, aut sine justa causa confirmare recusasset, & Donatarius contradictioni Episcopi non consensisset, sed recursum habuisset ad Superiorem; tunc enim si Patronus donans præstaret, aut alteri donaret juspatronatus, confirmatio subsequuta retraheretur ad diem donationis in præjudicium medio tempore presentati, aut secundi Donarii, ut expressè docent. *Lambertin. de jurepat. lib. 1. par. 2. quest. 1. art. 21. num. 3. Card. de Luc. eodem tract. disc. 56. num. 12. Carol. Anton. de Luc. ad Gratian. discept. 303. num. 10. Mantic. decis. 86. n. 7. & seqq. Adden. ad decis. 46. num. 72. par. 9. recent. & ad decis. 702. num. 11. coram Burat. Rot. decis. 277. num. 15. coram Bich. & in Meleuitana Beneficiorum 10. Junii 1712. S. Quòd autem coram R. P. D. Aldrovando superius impress. Part. I. Can. V. Cas. XIII. num. 26.* Non verò locum habet re non integra, & quando fuit alteri medio tempore jus quæsitum; Sic si Patronus post primam donationem jurispatronatus favore Laici donaret idem juspatronatus

Compatrono, aut Ecclesiæ, seu loco pio, & deinde superveniret consensus, aut confirmatio Ordinarii, iste consensus superventus retrahere non posset ad diem primæ donationis in præjudicium compatroni, aut Loci pii secundi Donatarii, quibus statim acquisitum fuisset jus, sed sustineretur secunda donatio in præjudicium primæ, ut in terminis secundæ donationis favore compatroni testantur *Roeb. de Curt. de jurepat. verb. ipse, velis num. 36. in fin. Lambertin. eodem tract. lib. 1. par. 2. quest. 1. art. 17. num. 10. & art. 19. Rot. decis. 463. num. 5. & seqq. coram Duran. & decis. 277. num. 13. coram Bich., & decis. 306. num. 7. par. 11. rec.* Et in terminis secundæ donationis favore Ecclesiæ, aut loci pii tventur *Tondut. quest. benef. cap. 54. num. 14. & seq. tom. 1. Capon. discept. 22. num. 12. tom. 1. Duran. dicta decis. 463. num. 7. & seq.* Sic etiam si Patronus donator, aut ejus hæres iterum donaret ante confirmationem Ordinarii alteri juspatronatus, & ista secunda donatio esset confirmata ab Ordinario; Aut si transferret juspatronatus in hæredem cum generali successione, & deinde accederet confirmatio primæ donationis, hæc retrahere non posset in præjudicium secundi donatarii, aut hæredis, juxta *Abb. quest. 5. num. 5. Lambertin. de jurepat. lib. 1. par. 2. quest. 1. art. 17. num. 10. & 16. Rodulphin. alleg. 31. num. 4. & seq. Carol. Anton. de Luc. ad Gratian. discept. 303. nu. 8. & seq. Barbof. de offic. & potest. Episcopi par. 3. alleg. 70. num. 21. Rot. dec. 277. n. 13. coram Bich.*

Hic tamen notandum venit supradicta procedere in jurepatronatus Beneficii Ecclesiastici; non verò in jurepatronatus, seu jure nominandi ad Cappellanas mere laicales, seu legata pia; quoniam juspatronatus, seu jus nominandi ad hujusmodi Cappellanas, aut ad alia legata pia validè alienari, transferri, & donari potest cuicumque personæ absque consensu, & actoritate Ordinarii; quia Canones isti loquuntur solum de jurepatronatus Beneficiorum Ecclesiasticorum, non verò de jurepatronatus similibus Legatorum, ut animadvertit *Card. de Luc. de jurepat. disc. 53. num. 2.* Procedere etiam in jurepatronatus mere laicali; non verò in jurepatronatus Ecclesiastico; Quia ad va-

Pars II.

22 liditatem donationis, & alienationis jurispatronatus Ecclesiastici favore cuiuscumque personæ sive Laicæ, sive Ecclesiasticæ, sive Compatronæ, sive omnino extraneæ hodie non sufficit consensus Ordinarii, sed requiritur Beneplacitum Apostolicum juxta *Extravag. ambitiosa de reb. Eccles. non alienan. & docent Turricell. de reb. Eccles. non alienan. cap. 8. num. 13. Rot. decis. 1312. coram Seraph. & dec. 191. num. 8. par. 5. & decis. 129. num. 16. par. 7. recent. & decis. 533. num. 15. coram Emerix jun. & notavi superius Part. I. Can. VII. Caf. Unic. num. 8.*

ARGUMENTUM.

Donatio Jurispatronatus facta à Sene, an, & quando sustineatur, & an in donatione Jurispatronatus requirantur solemnitates statutarie?

SUMMARIUM.

- 1 Senes equiparantur pueris, & dicuntur repuerescere; sed quomodo hoc procedat? Vide num. 7.
- 2 Donatio jurispatronatus facta ad preces Donatarii an sit simoniaca? & n. 13.
- 3 Donatio jurispatronatus non servatis solemnitatibus statutariis an sustineatur? & num. 14.
- 4 Patronus senex potest validè donare juspatronatus.
- 5 Non omnis senectus causat nullitatem donationis.
- 6 In dubio quo quisque senior est, eo præsumitur prudentior.
- 8 Prætendens nullam donationem jurispatronatus ob senectutem Patroni, tenetur concludentissimè probare de tempore donationis Patronum senem habuisse illam speciem imbecillitatis, & levitatis judicii, quæ causat insufficientiam, & defectum mentis. Amplia ut num. 10.
- 9 Quilibet etiam si sit centum annorum præsumitur esse sana mentis.
- 10 Ex quibus conjecturis excludatur imbecillitas, & levitas mentis in Patrono sene.
- 11 Preces non important dolum, & machinationem, neque arctant liberam voluntatem disponentis.
- 12 Senes non faciliè dolis, & artibus decipiuntur.

Q 9

Sta-